

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XLIII. TIT. XVII. Uti Possidetis.

urn:nbn:de:gbv:45:1-9050

mm. 11. illamque sententiam praxi obtinere ait Mod. Piff. *Vol. 1. conf. 57. n. 6.*

Et in hanc sententiam in contradictorio itum est in Curia Halberstadiensi in causa Meindorff, contra Broißen, d. 1. Octobr. 1705. quæ sententia confirmata fuit d. 3. Maji, 1708. Equidem in causa des Stiffts Queßlinburg, contra Hessen-Homburg, etiam tertius possessor condemnatus fuit, & hic annuos reditus ex mora antecessorum non solutos tanquam possessor rei restituere coactus fuit, idque per tres conformes sententias, d. 30. Maji, 1695. d. 4. Febr. 1697. d. 20. Jan. 1698. at meo iudicio summa injuria: nam licet ex sua mora rite condemnatus sit, non tamen video, qui ex mora antecessorum conveniri, & eatenus pro spoliatore haberi, vel actio ex *Canone Redintegranda* admitti potuerit. Bene huc quadrat effatum illud Imperatoris, non exemplis, sed Legibus judicandum esse; sed & in concursu præjudiciorum tutius insistitur rationi Juris.

LIB. XLIII. TIT. XVII.

UTI POSSIDETIS.

Qv. I. *An hoc interdictum detur possessori ipsius rei?*

AFFIRMATUR: nam prohibet Prætor, quo minus aliquis tuto possessione uti queat, adeoque datur ad possessionem retinendam, defendendam & conservandam, l. 1. §. 1. & 4. h.

Obj. §. 6. *Inst. de Act.* ubi pro possessore rei corporalis nulla actio introducta esse dicitur; nam tutus videtur sua possessione.

RESP. Expresse ibi additur: *nisi uno casu*: casus ille unus autem est hoc ipsum interdictum uti possidetis.

Qv. II. *An hoc interdictum sit reale?*

NEGATUR, sed est personale; quia oritur ex vi turbativa, adeoque ex delicto.

Dissentit *Lauterb. h. & Bach. V. 2. Disp. 25. th. 1. lit. b. e. & reale &c.* putant turbationem hic non considerari, ut delictum, quia alter negat, se turbare, sed ut assertionem possessionis.

RESP. An actio ex delicto sit, dependet ex intentione actoris, non ex negatione rei; quia alias paucissimæ actiones ex delicto darentur.

Tit 2

Qv.



Qv. III. *An dejecto de possessione detur utile interdictum uti possidetis?*

Laut. pag. 597. verb. non etiam dejecto etc. **N**EGATUR; quia ei datur interdictum de vi. Sed & hoc interdictum est retinendæ possessionis, *l. 1. §. 1. Et §. 4. h. dejectus vero non agit ad retinendam, sed recuperandam possessionem, l. 6. §. 1. L. 7. L. 15. de Acqu. vel amitt. poss.*

OBJ. (1) *L. 17. de Acqu. vel amitt. poss.* ubi rem habere videtur; qui actionem habet, adeoque etiam dejectus videtur possidere.

RESP. Æstimatione Juris id verum est; & ratione facultatum in genere; quia in bonis res illa esse videtur: non tamen vere res illa possidetur, hinc additur in *d. l. 17. vox: instar*; nam quod dejectus desinat possidere, traditur in *l. 3. §. 8. de Acq. vel amitt. poss.*

OBJ. (2) *L. 3. §. 8. de Acquir. vel amitt. poss.* ubi qui non audeat accedere, amittit possessionem, & ex hoc interdicto agit.

RESP. Imo agit unde vi; quia vere dejectus est, & propter metum violentiæ privatur sua possessione.

OBJ. (3) *L. 22. de Acqu. vel amitt. poss.* ubi non videtur nactus possessionem, qui statim restituere tenetur: cum ergo spoliator in contenti debeat restituere, nec ille nactus videtur possessionem.

RESP. Non videtur nactus possessionem perpetuo, at omnino nactus est temporariam possessionem, quam alter recuperare, non remediis retinendæ, sed recuperandæ, debet.

OBJ. (4) *L. 3. pr. h.* uterque defenditur, etsi alter vi fecerit, adeoque etiam dejectus possidere dicitur.

RESP. Agit de vi turbato, non de vi dejecto: nam, cum ibi uterque dicatur possidere, non id poterit intelligi de dejecto, utpote qui desinit possidere.

LIB. XLIII. TIT. XVIII.

DE SUPERFICIEBUS.

Qv. I. *An superficies sit servitus?*

Laut. pag. 598. verb. Non est etc. **R**ESP. Est servitus respectu domini directi; hactenus enim est in re aliena, & dominus servit, & ita diserte dicitur in *L. obft. 86. §. f. de leg. 1.* At ratione domini utilis non est servitus, ille enim utitur illa superficie tanquam re propria, unde actio quoque in rem datur, *l. 1. §. 1. 3. 4. 6. h.* nemini autem res propria servire potest. Sane servitus

